

## *Xroon yóxin tsíkjin*

# Juan

<sup>1</sup>Janhan, jnko nkexro táda t'ayakohen nínko, mé ikjian ti xroon ts'áyéhe ti tjan tsíkjejá Díos la ko kaín ti xjeen tjan, la chaxín tjuahá sin, andá jehya janhuán. Náhí. Kjaxin kaín ti sin chóxin ti itan chaxín.

<sup>2</sup>Kixin ti itan chaxín la ó chóna aséni, tíha mé ts'ejókoni nkochrín. <sup>3</sup>It'éni Díos la ko Ìnchéni Jesucristo, ti Xjeen Díos, chrókjuintañaora ch'an la ko chrókujikonóahara ch'an la ko chrótjáhara ch'an kjuaxróxin kixin chaxín tjuahára ch'an.

<sup>4</sup>Imá chàna k'uíkuan kixin isora la titekáonra ti nkehe chaxín, éxi tsík'etōan It'éni Díos.

<sup>5</sup>\*Andá ijie, kíchóni, xrjanoáhara kixin chrótjuehéra kichuara. Mé xíkaha tjékjian ti xroon i, la jehya ijnko nkehe nixin tsík'etōan Díos. Náhí. Tíhi mé ti nkehe xráxin kuíhini ti kjuák'e Ìnchéni Jesucristo. <sup>6</sup>Andá ti tjuéheni kíchóni la chrók'uejóni éxi tsík'etōan Díos; ti nkehe tsík'etōan Díos la ó kuihínra senó kixin chrótjueheni kíchóni.

### Ti chojni xrich'ia

<sup>7</sup>Itsjé chojni chjasintajni xrich'ia sin titekakonhña sin kixin Jesucristo ikui ch'an k'lóna ch'an chojni, la ti chojni xíkaha ixri mé ch'iyehé sin chojni la ko nínkakohen sin Cristo. <sup>8</sup>Chrokóxakohanra kixin chrók'uitjáñahña ti ixra kjuich'era kixin naxa chrók'uayéhéra ti nkehe tsjintaxín ts'ayéhéra.

<sup>9</sup>Ti nkexro kuítóhe ti nkehe kjuako Cristo ndá kjuíchròe la mé chóntahya sin Díos; andá ti nkexro titoéhya ti nkehe kjuako Cristo mé chóna sin It'éni Díos la ko ti Xjeen ch'an. <sup>10</sup>Andá ti nkojín sin chrókjuíjitsjehe ti jahara, ndá nduáhya chrókjuako sin, la chrókjuájonhñara kjuachaxin chrókuítóhe sin ti ndoara la ko chrónixjeéhyara sin. <sup>11</sup>Andá ti nkexro tsonixjehe ti nkexro a tsondáchro: “¿Á jína k'uinka?”, la mé éxi tóxríhín sin ti nkehe jínahña ich'e ti sin a.

**Ti itan tsjixixín**

<sup>12</sup> Janhan chonta nchónhña  
 nkehe chrókuihínra, kjánchó  
 tjínkākōnhña chrókjian  
 xroon ó. Náhí. Tjínkaoan  
 chrókjuasántsjahára tsonixjahára

kixin chrókjuintaxín  
 chrókóchéheni.

<sup>13</sup> Ti sin kichuara tónkotsé  
 ti nínko ntihi, kjaxin Díos  
 tsíkjejá ch'an sin, mé  
 nixjahára sin. Mé xíkaha  
 tsohen. Ó tjen.